

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 2012-imi aprilip naanerani Aningaasaqarnermut ataatsimiititaliap aningaasaqarnikkut nalunaarutaa.

Imm. 03 Aningaasanik nuussiniernermut qinnuteqaat, Kangerlussuaq.

Imm. 04 2012-imi missingersuutitigut nuutsinissaq, Maniitsoq.

Imm. 05 Maniitsumi meeqqanut klubbertitsisalnissamut aningaasaliissutaareersut iluini nuussinissamik qinnuteqaat.

Suliassat nalinginnaasut

Imm. 06 Maniitsup Kommunea-nut kommunip pilersaarusionerqarnerani tapiliussaq nr. 3.

Imm. 07 Containerinut inissiivinnut maleruaqqusanik allanngueq.

Imm. 08 B-462-ip kitaa-tungerlia ilisinissanut naasunut atortussanullu pisiniarfinngortinneqarnissaa.

Imm. 09 Nunap immikkoortuanik 2012-imi ineriartortitsinissaq.

Sulisoqarnermut tunngasut

Imm. 10 Atorfeqartitanut tunngasutigut paasissutissiineq.

Paasissutissiissutit

Imm. 11 Sarfannguup Atuarfiani oquiaanermi missingersuutinik nuussinissamut qinnuteqaat pillugu paasissutissiissut

Imm. 12 Tamalaat.

Ataatsimiinneq aallartippoq nal. 8.30

Peqataasut:

Atassut

Godmand Rasmussen, Sisimiut

Inuit Ataqtigiit

Katrine Larsen Lennert, Sisimiut

Siumut

Hermann Berthelsen, Sisimiut

Karl Lyberth, Maniitsoq – oqarasuaatikkut peqataavoq

Søren Alaufesen, Sisimiut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Tamalaani borgmesteri innuttaasunik ataatsimiititsinermut tunngasunik paasissutissiissaaq.

Oqaluuserisassat akuersissutigineqarput.

**Aningaasaqarnermut ataatsimiititaliap maajip 15-ani 2012-imi ileqquusumik ataatsimiinnerata
04/2012-ip imaqarniliornera**

**Imm. 02 2012-imi apriliip naanerani Aningaasaqarnermut ataatsimiititaliap
aningaasaqarnikkut nalunaarutaa**

Journalnr. 06.00

Pissutsit atuuttut

Atuineq ukiumut tamarmiusumut siammaraanni, atuineq/iseritit 33,3 procentimiissapput

Allaffissornermut tunngasut

Konto	Kontop taaguutaa	(1.000 kr)	(1.000 kr)	(1.000 kr)	(1.000 kr)	i %
10	Qinikkanut aningaasartuutit	7.313	0	7.313	2.261.713	5.051 30,9%
11	Kommunimi allaffissorneq	69.900	0	69.900	22.019.365	47.881 31,5%
12	Kantinamik ingerlatsineq	486	0	486	419.987	66 86,4%
13	IT-qarneq	7.489	0	7.489	2.100.834	5.388 28,1%
18	Akimootumik suliat	7.240	0	7.240	4.256.303	2.984 58,8%
Allaffissornermut tunngasut katillugit		92.428	0	92.428	31.058.202	61.370 33,6%

Allaffissornermut tunngasut aningaasaliissutaasuniit 92,4 mio. koruuniniit tamakkiisumik 31,1 mio. koruuninik atuiffiuvoq. Tassalu 33,6 procentimik atuineq.

Kantinamik ingerlatsinerimi atuivallaartoqarpoq, tamanna ilaatigut Sisimiuni A/S INI-p akileeqa-taassutissani aatsaat ukiup ingerlanerani kingusinersukkut akilertarnerinik, ilaatigullu pilersaarutaasutuut kantinat suli suliariumannittussarsiuunneqannginnerinik patsiseqarpoq.

Inissiaatileqatigiiffiup ingerlatseqatigiinnermut isumaqatigiissutini 2011-mi decembarip naaneraniit atorunnaarsippaa, kisianni tamatuma kingorna kantinamik atuiinnarallarnissamik kissaateqarluni, massakkuugallartumut.

Akimortumik sulianut aningaasaliissutaasuniit 7,2 mio. koruuniniit atuineq 58,8 procentiuvoq. Sillimmasiinnermut nakkutillisoqarnermullu tunngasuni atuivallaarneq annerpaamik patsiseqarpoq, sillimmasiisarnernut iluarsiissutit ataasiakkaat minillugit, 2012-imut sillimmasiissutit akilerneqar-simanerinek patsiseqarpoq

Kommunip Inuutissarsiutitigut peqataaffii

Kommunip inuutissarsiutitigut peqataaffii		Missing.	Tapilius.	Aningaa.	Atukkat	Sinneri	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	%-inngorl.
37-01	Kommunip inuutissarsiutitigut peqataaffii	3.902	0	3.902	1.343.129	2.559.000	34,4%
Katillugit		3.902	0	3.902	1.343.129	2.559.000	34,4%

Kommunip inuutissarsiutitigut peqataaffii aningaasaliisstaasuniit 3,9 mio. koruuniniit 34,4 procentimik atuiffiusimapput. Atuiallaarneq Qeqqata Inuutissarsiutitigut siunnersuisooqatigiivinut sullissinermut isumaqatigiissut ukiup affakkaartumik siumoortumik akilerneqartarneranik kiisalu Arctic Circle Race-imut ukiumut tapiissutinik tunniussisoqarsimaneranik patsiseqarneruvoq.

Akilerarutit, tapiissutit nalimmassaatillu

Iserititit erniallu		Missing.	Tapilius.	Aningaa.	Atukkat	Sinneri	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	%-inngorl.
80-01	Inuit isertitamikkut akileraarutaat	-290.674	0	-290.674	-72.163.479	-218.511	24,8%
81-01	Selskabit akileraarutaat	-4.000	0	-4.000	0	-4.000	0,0%
83-01	Nalinginnaasumik tapiissutit nalimmassaanerillu	-284.520	0	-284.520	-98.976.668	-185.543	34,8%
Katillugit		-579.194	0	-579.194	-171.140.147	-408.054	29,5%



**Aningaasaqarnermut ataatsimiititaliap maajip 15-ani 2012-imi ileqquusumik ataatsimiinnerata
04/2012-ip imaqarniliornera**

Qeqqata Kommunia akileraarutitigut, tapiissutitigut nalimmassaaitigullu tamakkiisumik aningaasaliissutaasuniit 579,2 mio. koruuniniit 171,4 mio. koruuninik isertitaqartoqarpoq. Isertitat 29,5 procentiullutik. Inuit akileraarutaat Namminersorlutik Oqartussaniit qaammammik ataatsimik nikingatillugit akilerneqartarput, tamannalu atuinikinnerunermut patsisaavoq. Selskabet akileraarutaat ukiumut ataasiarlugit akilerneqartarput – nalinginnaasumik ukiup qaangiunnerani januaarimi.

Isertitat nalikillisaanerillu allat

Isertitat erniallu		Missing.	Tapilius.	Aningaa.	Atukkat	Sinneri	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	%-inngorl.
85-01	Erniatigut isertitat	-12.976	0	-12.976	-2.925.266	-10.051	22,5%
85-02	Ernianut aningaasartuutit	0	0	0	-1.250	1	
85-04	Inissianit attartortakkanit aningaasaatitigut iluanaarutit	-11.185	0	-11.185	-2.803.756	-8.381	25,1%
86-02	Inissianik tunisineq	-1.520	0	-1.520	-33.860	-1.486	2,2%
86-03	Sanaartorf. akiliutit/kuuffissuarnut attavilersinnerit	-3.080	0	-3.080	-415.161	-2.665	13,5%
88-00	Isumakkeerinninnerit	1.100	0	1.100	0	1.100	0,0%
Katillugit		-27.661	0	-27.661	-6.179.293	-21.482	22,3%

Qeqqata Kommunia isertitanut allanut tamakkiisumik aningaasaliissutaasuniit 27,7 mio. koruuniniit 6,2 mio. koruuninik isertitaqarpoq, tamannalu isertitat 22,3 procentiullutik.

Inissiatinik (kt. 86-02) tunisineq naatsorsuutigisamiit annikinnerarsuuvoq, kisianni B-1143/1144-mik (illu affarleriik, siusinnerusukkut Ilaqutariinnut kiffartuussivik) kiisalu B-530-mik tunisinissaq aallartinneqartarpoq.

Sanaartorf. gissaanermit / kuuffissuarnut attavilersinnermit (kt. 86-03) isertitat naatsorsuutigisamiit annikinnerarsuupput.

Aningaasaliissutit 3 mio. koruuninik annertussuseqarput, atunerpiarlu 415 tusind koruuniuvoq, procentinngorlugu 13,5 procentiulluni.

Inissianit attartortittakkanit (konto 85-04) aningaasaliissutaasuniit iluanaarutit qaammatinut pingasunut akiliissutaapput, tamannalu Maniitsumisuulli Sisimiuni INI qaammammik ataatsimik kingu-moortumik akiliisarneranik patsiseqarpoq.

Ukiup naanerani aningaasaatissatut naatsorsuutigisat

Ukiup naanerani aningaasaatissatut naatsorsuutigisat 72,1 mio. koruuniniit -0,5 mio. koruuninut appariarnissaat naatsorsuutigineqarpoq. Naatsorsuutiginnineq taanna 2011-ip aallartinnerani pigisat annertussusaannik, 2011-imi missingersuutini ingerlatsinermi inernerusussanit naatsorsuutigisaniit aamma killiffinni nikingasoorutissaniit (40-60 atorlugu attartortitsinerit) kiisalu manna tikillugu immikkut aningaasaliissutiniit aallaaveqartinneqarpoq.

2012-ip aallartin. Karsimiittu	72.147.994
2012-mut miss. sanill. ing. inern	-2.704.000
Killiffimmi nikinganerit	-14.873.000
Imm. Aningaasaliissutit	-55.094.000
Karsimi nikingasoorutissat	-72.671.000
2012 naanerani karsimiittuutit	-523.006



Kommunit naatsorsuusiortarnerat il.il. pillugu pillugit Namminersorlutik Oqartussat nalunaarutaat nr. 13, 26.07.2010-meersumi 5 procentmik uninngasuuteqarnissamik piumasaqaat 2012-imi apriliip aallaqqaataaniit atorunnaarsinneqarpoq. Kommunit missingersuusiortarnerat, aningaasanik tigori-aannaateqarnerat, naatsorsuutaat, kukkuneruuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersumi § 3, imm. 4-mi aalajangersarneqarpoq, Kommunit sukkulluunniit aningaasanik tigoriaannaateqassapput ingerlaavartumik pisussaaffiit akilerneqartarnissaannut naammattumik. Missingersuutit aalajangersarnerini ukiumut aggersumut ukiumut missingersuusiortarfiusumi aningaasat tigoriaannaat pillugit kommunalbestyrelsi sukumiinerusumik aalajangersaassasoq.

Akiitsut

Qeqqata Kommunianut akiitsut 01.05.2012-imi ataatsimut katillugit 59,0 mio. koruuniupput, 02.04.2012-imi naatsorsuineranut sanilliullugit 1,2 mio. koruuninik qaffariarnerulluni. Qaffariaat annertunerusumik patsiseqarpoq, illoqarfimmi (Sisimiut) – eqqaavilerineranut akiitsut 800 tusind koruuninik qaffassimanagerat aammlau akiligassat assigiinngitsut (Maniitsoq) 350 tusind koruunit missaani qaffassimammata.

Ukioq kingulliup taamaalineranut (29.04.2011) akiitsut 2,1 mio. koruunit missaani appariaateqarput, naak siumoortumik tunniunneqartartut, meeqqanut akilersuutit pillugit akiitsut annertuumik qaffariaateqaraluartut.

Innersuussut

Aningaasaqarnermut ataatsimiititaliamut innersuussutigineqassaaq,

Nalunaarusiaq akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani ataatsimiititaliakkaatigut oqimaaqatigiissitsineq.
2. 01.05.2012-imi akiitsorineqartut allattorsimaffiat



Imm. 03 Aningaasanik nuussiniarnermut qinnuteqaat, Kangerlussuaq

Journalnr. 06.02.04

Tunuliaqutaq

Kangerlussuarmi Servicecenterip biiliata motoria annertuumik ajoqusersimavoq, atoqqilissaguni iluarsaattariaqangaatsiarluni. Biilip iluarsaannissaanut biililerisup missingerpaa iluarsaassineq 64.000 kr-nit 69.000 kr-illu akornanni naleqartussatut.

Biili atoqqilersinnaaqullugu konto 11-p iluani aningaasanik nuussinissaq qinnutigineqarpoq.

Maleruagassatigut tunngavissat

Karseqarnermut naatsersuuteqarnermullu Qeqqata Kommuniata maleruagassaa.

Pissutsit atuuttut

Servicecenterip biilia Mitsubishi L200 XL4WD suliffiup nalaani pinngitsoorneqarsinnaangilaq sulianut atatillugu atorluarneqartarluni. Ulloq ajoquserfik sila -40-nik issitsigivoq. Nalinginnaq ingerlasar-nertut ingerlatilluni biili maanaanaq unittoorpoq. Aallarteqqinneq ajornarmat biililerisunik misissor-neqarnerata kinguneraa biilip shortblok-ia nutaamik taarserneqartariaqalersoq. Biililerisup nalilersin-naasimangilaa biili piffissap sivikitsup sivisuulluunniit ingerlanerani taartissamaateqartoqarsiman-gilaq piniaqqaarneqartussaallutillu. Biilip motoriarnera sillimmasertinneranut ilaangimmat tassan-ga iluarsaannera matuneqarsinnaangilaq. Konto biilet iluarsaannissaannut atugassaq aningaasata-qanngilaq. Ukiormanna allaffiup iluani pisaartoqartussaangimmat pikkorissarnerillu pilersaarutaan-gikkallarmata iluarsaassinissamut aningaasat imatut matussuserniarneqarput:

2012-imi missingersuutini konto 11-p iluani biilit iluarsaannissaannut nuutsineq

Konto	Taaguutaa	Akuersissutit	Atussangasat	Pisariaqartitat
1100300504	Pikkorissarnerni anigaasartuutit/-akiliutit ataatsimut	36.000,00	19.000,00	-17.000,00
1100301001	Allaffeqarnermut atortussanik nioqqutissanik pisineq	62.000,00	10.000,00	-52.000,00
1100302202	Iluarsaassinerit, aserfallatsaaliinerit Auto	0,0	69.000,00	+69.000,00

Aningaasaqarnikkut allaffissornikkullu kingunerisinnaasai

Aningaasat missingersuutaareersut iluaniimmata immikkut aningaasartuuteqartoqassanngilaq.

Qullersaqarfiup oqaaseqaatai

Oqaaseqaateqanngilaq.

Allaffeqarfiup naliliinera

Biilit atorfissaqartinneqarmata qinnuteqaat taparserneqarpoq.



Innersuussut

Aningaasaqarnermut ataatsimiititaliamut innersuussutigineqassaaq, 2012-imi missingersuutini nuutsinissamut qinnuteqaat matuma siuliani skiiimami allaqqasoq akuersissutigeqqullugu.

Aalajangiineq

Innersuussutigineqartoq akuersissutigineqarpoq.

Ilanngussaq

Ilanngussaqanngilaq

Imm. 04 2012-imi missingersuutitigut nuutsinissaq, Maniitsoq

Journalnr. 06.02.04

Tunuliaqutaq

2012-imut missingersuutit ukiup sinneranut naleqqussarneqarnissaat siunertaralugu Maniitsumi Teknikkimut Avatangiisinullu Immikkoortortaq missingersuutitigut nuutsinissamik qinnuteqarpoq.

Maleruagassatigut tunngavissat

Qeqqata Kommuniiani karseqarnermut naatsorsuuserinermullu malittarisassat.

Pissutsit atuuttut

Eqqagassalerinermi eqqaavissuarmilu isertitassatut missingersuusiarineqarsimasut tamakkerlugit isertinneqarsinnaassanngitsoq maannangaaq takuneqarsinnaalereerpoq. Tamanna ilaatigt INI-p attartortittakkanit inerpaalunnik attartortitsisarunnaarneranik patsiseqarpoq, soorluttaaq qularnanngitsumik illoqarfimmi nalinginnaasumik aningaasarliornerup eqqagassat iginneqartartut ikilisimasut. Atammimmi puttasut akisungaatsiartumik iluarsartuunneqartariaqarsimapput, apingaatsiarneratalu kingunerisaanik Kangaamiumi aputaajaatsitsinermut annerusumik atuisoqarsimalluni. Taamaattumik missingersuutit sukangasuumik ingerlanneqareeraluartut, qaavatigut aningaasartuutigineqarsimasut isertitassaraluillu isertinneqarsimannngitsut matussuserniarlugit nuutsisoqarnissaa pisariaqarluni.

Aningaasaqarnikkut allaffissornikkullu kingunerisinnaasai

Sukangasuumik missingersuutitigut aqutsisoqassaaq, naatsorsuutiginnngisamillu annertuumik aningaasartuuteqartoqarnissaa akissaqartinneqarani. Aqqusinilerisuni sulisut namminneq soraartarnerisigut sulisut ikilisarneqassapput.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Nuutsinissamik qinnuteqaatitigut, 2012-imut missingersuutit ukiup sinneranuttaat isiginnissinnaanerulernissamik kinguneqassaaq. Ukiup ingerlanerani missingersuutitigut nuutsinissamik qinnuteqaq-qittoqarnissaa ilimnapoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 8-ni 2012-imi ataatsimiinnermini allaffeqarfiup innersuussutaa akuersissutigivaa.

Innersuussut

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut Aningaasaqarnermullu ataatsimiititaliamut innersuussutigaa, nuutsinissamik qinnutigineqartut akuersissutigineqassat.

Aalajangiineq

Innersuussutigineqartoq akuersissutigineqarpoq.

Ilanngusaaq

1. Nuutsinissat pillugit takussutissiaq



**Imm. 05 Maniitsumi meeqqanut klubbertitsisalernissamut aningaasaliissutaareersut iluini
nuussinissamik qinnuteqaat**

Journalnr. 55.03.01/06.02.04

Tunuliaqutaq

Maniitsumi klubbeqarpoq 14-iniik 21-inut ukiulinnut atorneqartartumik, 14-inilli inorlugit ukiullit sunngiffimmi klubbitut ittumik ornitassaqaartinneqanngillat.

Maleruagassatigut tunngavissat

Qeqqata Kommunia-ta karseqarnermut malittarisassiaa.

Pissutsit atuuttut

Meeqqat 12-13-inik ukiullit massakkut 80-it missaaniittut klubbitut ittumik ornitassaqaanngillat, qujanartumilli amerlasuut timersortarput, tamarmilli timersortartuunngillat. Taamaammallu amerlasuut aneerusaaginnartarput, ajoraluartumillu naalanngitsortaqaarput taakkulu pissanganartorsiorniarlutik serlersaartarsimasut tusartaannarpagut.

September 2011-imi ajusaarnaqisumik oqaluffimmi toqusut inaat ersisaaruffittut matua ammaqat-taarneqartoq inersimasut ilaannit naammattoorneqarsimavoq, ilaqutariinnut toqusortalinnut assut narrujuummisitsisumik. Kingornalu paasinarsivoq nukappiaqqat 12-13 ukiullit taamaaliortuusima-sut.

Ukiut tamaasa juullilernerani illoqarfiup orpiata ikinnerata kingorna qulleerai piarneqartuartarput, 2009-imilu filmiliuserneqarneratigut paasinarsivoq meeqqat tamatuma missaani ukiullit taamaa-liortuusartut.

November 2011-imi misiligutigalugu 12-13-inik ukiullit klubbemiissinnaalerput marlungornikkut sisamangornikkullu 19.00-imiit 21.00-imut. Aallaqqaammut inuusuttunit nuannarineqanngilaq, qaammatilli marluk missaat qaangiunneranni sungiutiimineqarluni.

Taamatut aaqqissuussineq ukioq manna januarimi naalersoq annertusineqarpoq arfininngorneq ilanngullugu, nal. 18-21-imut allanngortillugu. Tassani piffissap ilaani Miljøarbejderit sammisa-qartitsisarput, meeqqallu nassuiaallugit suut illoqarfiup iluani innimigisassaanersut.

Taamatut misiliineq meeqqanit nuannarineqarlualuartoq, nal. 19-21 akornanni inuusuttuaqqallu akuleriittarnerat aappaatigooqarpoq, tassami inuusuttuaqqat pujortartartunik ilaqarput, klubbillu silataani pujortaattoqartillugu meeqqanut kusanarpallaarneq ajorpoq, ajoraluartumillu inuusuttut nammineeirlutik oqaatigivaat meeqqat ilai ussnerartorsiorlutik misiliiniartut.

Taamaammat inimik allamik meeqqat klubberfeqarnissaat pisariaqarpoq, meeqqat inuusuttullu imminnut akulerunneranni pitsaanngequtit arlalliummata.

Aningaasaqarnikkut allaffissornikkullu kingunerisinnaasai

Meeqqanut sunngiffimmi sammisassaqaartitsinermut aningaasaliissutaareersut iluanni nuussinikkut meeqqanut klubbertitsisarneq ingerlanneqarsinnaavoq inimik allamik soorlu Sanningasoq tungujortup imaluunniit innarluutillit illuutaata attartorneratigut.

Iluatsillugulu qaammammusalinnut konto aningaasartalerusupparput, tassani pineqarlutik Maniitsu-mi nunaqarfinnilu ilinniartitsisut meeqqanut sunngiffimmi sammisaqaartitsisarnerannut aningaasar-tuutaasartut matussusereerniarlugit.



**Aningaasaqarnermut ataatsimiititaliap maajip 15-ani 2012-imi ileqquusumik ataatsimiinnerata
04/2012-ip imaqarniliornera**

Konto	Kontonavn	Nuværende bevilling	Om- placering	Fremtidig Bevilling
5301210110	Månedsløn	0	50	50
5301210111	Timeløn	289	-95	194
5301212500	Husleje	0	40	40
5301211500	Varekøb	0	5	5
		289	0	289

Allaffeqarfiup naliliinera

Ukiuunerani meeqqanut unnukkut sammisaqartitsineq iluatsilluartutut nalilerparput, taamaammata aqqissuulluagaanusumik ingerlariaqqinnissaa pissutissaqarluarpoq.

Allaffeqarfiup innersuussutaa

Aningaasaliisutit iluini nuussinissamik qinnuteqaat akuerineqassasoq, ukioq mannamat ukiunullu tulliuuttunut, Aningaasaqarnermullu ataatsimititaliamut ingerlateqqinneqassasoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap maajip 7-ani 2012-imi ataatsimiinnermini allaffeqarfiup innersuussutaa akuersissutigivaa.

Imm. Aningaasaqarnermik ataatsimiititaliamut ingerlateqqinneqassaaq.

Innersuussut

Aningaasaqarnermut ataatsimiititaliamut innersuussutigineqassaaq, missingersuutini nuutsinissamat qinnuteqaat matuma siuliani allaqqasoq akuersissutigeqqullugu.

Aalajangineq

Innersuussutigineqartoq akuersissutigineqarpoq.

Ilanngussaq

1. Balance 2012 for konto 53-01-21- Aningaasaliisutit takussutissartaat.



Imm. 06 Maniitsup Kommunea-nut kommunip pilersaarusionerqarnerani tapiliusaaq nr. 3

Journalnr.

Tunuliaqutaq

Sumiiffimmi entreprenørimit saaffiginnittoqarnerata kingorna inuutissarsiornermut, ujaqquerivimmu qaartiterutissaasivimmullu immikkoortumut Maniitsup Kommunea-nut kommunip pilersaarusionerqarnerani tapiliussatut nr. 3-tut siunnersuummik allaffeqarfik suliaqarnikuuvoq.

Maniitsumi aluminiumik aatsiterivissamik pilersitsisoqarnissaanut aalajangiinissatut naatsorsuutigineqartumut piareersaatit pilersaarusionissaq eqqarsaatigalugu kissaatit nalinginnaasut pilersaarutit siunnersuut isigineqassaaq. Taamaalilluni ujaqquerivik pioreersoq atorunnaarnissaa naatsorsuutigineqarpoq, inissianillu annertusaanissamut naatsorsuutigineqartumut atatillugu atorneqassalluni. Ilutigitillugu annertusaanissamut aggersumut atatillugu, illoqarfimmi pioreersumi annertusaanermik suliaqartussanut, sanaartornermut inuutissarsiutilinnut nunaminertanik nutaanik pisariaqartitsisoqassaaq

Maleruagassatigut tunngavissaaq

Pilersaarusionerq aamma nunaminertanik atuisarnej pillugu Inatsisartut inatsisaat nr. 17, 17. november 2010-meersoq.

Pissutsit atuuttut

Pilersaarutit siunnersuut tamakkiisoq immikkoortunik annikinnerusunik aammalu immikkoortunik annerusunik tunngaviatigut imminnut atasunik pingasunik imaqarpoq. Immikkoortut minnerusut ilusilersuineramik tulluurtumik pilersitsisinaanermut ajornakusoorfiusuni qooqquni saatsuni inissimapput. Immikkoortut minnerusut tassaapput immikkoortoq inuutissarsiorfiusoq, ujaqquerinermut ujaqqanillu aserorterinermut immikkoortoq, beton-iliorfik assigisaalu, kiisalu qaartiterutissaasiviup nuunnissaanut nunaminertaq.

Kujataanit, inuutissarsiorfiusoq tasmik annikitsumik immikkoortup inuutissarsiorfinngortinneqarneranut immeriartuaarneqartussatut naatsorsuutigineqartumik ilaqarpoq. Immikkoortumi ullumikkut qaartiterutissaasivik inissimavoq, immikkoortut allanut atorneqalerneranut atatillugu nuunneqartussatut naatsorsuutigineqartoq.

Inuutissarsiorfiup avannaatungaani ujaqqeriveqarfik inissimavoq taassumalu kangiatungaaniilluni qaartiterutissaasivik nutaaq.

Immikkoortut ima ilusilersugaapput, ujakkaarnermi illerngit suli immikkoortoq aqutigalugu ingerlasinnaallutik aammalu sisorartarfimmut attaviit pigiinnarneqassapput.

Aningaasaqarnikkut allaffissornikkullu kingunerisinnaasai

Aqqusinermik attaveqaammik pilersitsinissaq, ujaqquerivimmik qaartiterutissaasivimmillu nutaamik naammassinninnissaq aningaasaliisunit namminersortunit pinissaa naatsorsuutigineqanngimmat, pilersaarutitik naammassinninnissaq kommunimut aningaasartuutitik attuumassuteqassanngikkallarpoq.

Inuutissarsiuuteqarfik atuutilernissaanut sanaartorfigissaasoqalerpat, pilersaarutit aatsaat kommunimut aningaasatigut kinguneqassapput.



Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Allaffeqarfiup naliliinerivaa, pilersaarutitut siunnersuutit pisariaqartut, siunissami Maniitsumi ineriartortitsilluni periarfissanut tunngavissat qulakkeerniarlugit.

Innersuussut

Allaffeqarfiup Aningaasaqarnermut ataatsimiititaliamut innersuussutigaa, Maniitsup Kommunea-nut kommunip pilersaarusioneqarnerani tapiliussaq nr. 3 sapaatit akunnerani arfineq-pingasuni saqqumitinneqarnissaa akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Maniitsup Kommunea-nut kommunip pilersaarusioneqarnerani tapiliussatut nr. 3-tut siunnersuut, nutsernera naammassippat malinnaatinneqassaaq.

Imm. 07 Containerinut inissiivinnut maleruaqqusanik allannguineq

Journalnr. 22.01

Tunuliaqutaq

2010-mi TAA-p ataatsimiinnerani 06/10 imm. 5-itut Sisimiuni containerinut inissiivissamik immikkoortitsisoqassasoq innersuussutineqarpoq akuersissutigineqarlunilu, , tamtumani inuit ataasiakkaat/namminersortut containeriutiminnut inissamik attartorsinnaallutik. Tamanna kommunip pilersaariorneqarnerani tapiliussap 18-ip ilassutaatut pivoq, tamatumani illoqarfiup isikkuanut containererpassuit kusanaallisaataanatik aqqissuunneqarnissaat kissaataalluni kiisalu Nuummi containerinut inissiisanermik misilittakkanik pitsaasunik pissarsisoqarnikuulluni.

Nuummi illoqarfiup iluani containerinik inissiinissaq inertequtaavoq containerinullu inissiiviniq immikkoortitsisoqarnikuulluni, attartornermut akiliisoqartartussaalluni. Containerinut inissiivimminik iluatsitsilluarnikuupput, aammalu innuttaasut attartornermut akiliisussaasaramik, pisariaqartitatik kisiisa uninngatittarpaat, taamaalillunilu sukujussuit pisariaqanngitsumik katersuutsinneqarneq ajorlutik. Containerinut / atortunut / umiatsialivimmut inissaq qaammammut 200 koruuninik akeqarpoq.

Sisimiuni containerinut inissiivissamik eqqarsaataavo/nikuuvoq illoqarfimmi containerit torersarneqarnissaat aammalu containerinut inissiivissamut nuunneqarnissaat, taamaalillutik illoqarfimmi kusanaallisaataanatik. Najugaqarfissiani/katersuuffinni containerit taamaallaat illutut iikkersorneqarlutik qalialersorneqarlutillu akuersissutigineqartarput, aammalu illuaqqatulli inissinneqassallutik (nutsernermi allanngortiterinermiluunniit utaqqiisaasumik inissinneqarsinnaapput). Nunaminertani inuutissarsiorfiusuni suliffeqarfiup ingerlanneqarneranut tunngatillugu containerit killilimmik inissinneqarsinnaapput. Ungasinnerusoq isigalugu, qulaani tunngavigisanit tulluarsarneqarsinnaanngitsut, containerinut inissatut immikkoortinneqartunut containerit tamarmik nuunneqarnissaat allaffeqarfiup sulissutigivaa. Taanna illoqarfimmi ullumikkut katersuuffigisimasaani, soorlu assersuutigalugu Sanaartornermik ilinniarfiup aammalu Stark eqqaani atuuppoq, kisianni sulisussaaleqisarneq pissutaalluni periuseq arriitsumik ingerlavoq.

Sisimiuni containerinik inissiisarnermut maleruaqqusanut akuerisaasunut tunngatillugu, taamaallaat containerinut 20 fods-inut immikkoortitsisoqarnikuuvoq, piffissallu ingerlanerani 10, 40 fods-inut aammlau qerititsivissuarnut kiisalu aalisarnermi qassutinullu atortussanut il.il. inissanik amigaateqartoqalereerluni. Taamaattumik maleruaqqusat allanngortinneqarnissaat siunnersuutigineqarpoq, aammalu "Kangerluarsunnguami aqqusinermi" nutaap isuani containerinut inissiivik 1 allilerneqarluni, aammalu killililusaqarfimmilu B8-mi "Kangerluarsunnguami aqquserngup" nutaap qeqqata missaani containerinut inissiivissamik allamik pilersitsisoqarluni, kiisalu asfaltiorfiup eqqaani, takuuk nunap assinga, inissitanut containerinullu atorneqanngitsunut inissiivimmik pilersitsisoqarluni.

Taakku saniatigut containerinut inissiivimmut najoqqutassiaq kommunip sinnerani maanna aamma containerinut amerlasuunit artukkerneqalersunut illoqarfimmut siammarneqarnissaa, kissaatigineqarpoq. Kangerlussuarmi ilisimatusartorpassuaqarpoq atortuminnik inissiigallarfissaminnik containerinik atorfissaqartitsisunik, sulilu annertusigaluttuinnartumik ujartuisoqarluni, taammaattumik killiliussa-qarfimmi B2-mi, takuuk nunap assinga, Tankeqarfik H99-ip eqqaani containerinut inissiiviliortoqarnissaa siunnersuutigineqarpoq.

Maniitsumi containerinut inissivissamik pisariaqartitsisoqanngikkallarpoq, alimasinnerusorli isigalugu Ungusivik sanaartorfigissarneqareeripart inuutissarsiorfimmi nutaami immikkoortitsisoqassaaq.



Malittarisassatigut tunngavissaq

Pilersaaruserneq aamma nunaminertat atornerqarnerat pillugit Inatsisartut inatsisaat nr. 17, 17. november 2010-meersoq, pingaarnerutillugu:

§ 1. Inatsisartut inatsisaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atornerqarnissaat qularnaarneqassasoq.

1992-imiit 2005-imut Sisimiut Kommuneanut kommunimut pilersaarut, pingaarnerutillu:

”E5 Immikkoortoq teknikkikkut atortulersuutitut / atortunut nunaminertamik pisiariaqartitsisunut, ujaqperivinnut, eqqaavissuarnut assigisaanullu mingutsitsisinnaasunut immikkoortinneqarpoq..”

Sumiiffimmut pilersaarut B8, pingaarnerutillugu:

§ 3.1 Immikkoortoq tamakkerluni inuutissarsiornermut siunertalinnut soorlu værksted-inut, illunut toqqortaasivinnut, biilnut isertitsivinnut, tunisassiornermut atortunut, kiisalu entreprenøreqarfittut, peqquataasivittut teknikkikkullu atortuusivittut atornerqassaaq.

Kommunip pilersaaruserneqarnerani tapiliussaq 18

Kommunip pilersaaruserneqarnerani tapiliussaq 14, Kangerlussuarmut nunaqarfimmut pilersaarut, pingaarnerutillugu;

” B2 – Inuutissarsiorfimmut killiliussatut aalajangersakkat.

Atornerqarnera.

Immikkoortoq inuutissarsiornermut – suliffeqarfimmut mingutsitsinngitsunut – entreprenøreqarfimmut minnerusunut, inissiivissatut kiisalu peqqumaateqarnermut siunertalinnut il.il. immikkoortinneqarpoq Inissiiviit torersuutinneqassapput avatangiisinullu akornutaassanatik. Mittarfeqarfiit aalajangersagaat malitsinneqassapput.”

Pissutsit atuuttut

Qeqqata Kommuniani kommunip containerinut inissiiviutaanut maleruaqqusamik Containerinut 20 fods-inuinaq atuuttumik piusumik peqarpoq. Taassuma allanngortinneqarnissaa kissaatigineqarpoq, taamaalilluni containerinut assigiinngitsumik imaqqortussusilinnut inissaqalerniassammat, inissiivinilu ataasiakkaani aalisarnermik qassutinullu atortunut containerit silataanni inissiisinnaanermut periarfissaqalerniassammat. Taamaattumik malittarisassiamik nutaamik nunallu assinganik nutaamik suliaqartoqarnikuuvoq. Nunap assingani containerit inissinneqartut silatimikkut iikkorsorneqarmissannut suut piumasagaataanersut takuneqarsinnaavoq.

Containerinut inissiiviit atornerqarnerat annertusarniarlugu, qaavisa isikkussaannut piumasagaat ilanngunneqanngilaq, piumasagaat taanna malittarisassiami pioreersumi ilaagaluarpoq. Qaliata isikkussaa ilanngunneqanngilaq, innuttaasut nuutsinissamut akilersuinissaat oqinnerulersinniarlugu, alimasinnerusoq isigalugu containerinik torersaaneq naammassippat, taanna piumasagaatigeqqilerneqarsinnaavoq.



Aningaasaqarnikkut allaffissornikkullu kingunerisinnaasai

Aputaajaanermi ingerlatsinermit aningaasartuutit containerinik attartortitsinikkut aningaasalersorneqassapput, tamatumani kontomik pilersitsisoqassalluni. Sisimiuni inissat 500-sut tamarmik atorneqassappata, inimut ataatsimut aputaajaanermut ukiumut 600 koruunit missaani akeqarnissaa eqqoriarneqarpoq, ukiuni siullerni akisunerulaassajunnarsivoq. Kangerlussuarmi inissat 113 tamarmik atorneqassappata, inimut ataatsimut aputaajaanermut ukiumut 100 koruunit missaani akeqassasoq eqqoriarneqarpoq, ukiuni siullerni akisunerulaassajunnarsivoq. Containerinut inissiivimmu pioreersumut attartornissamut isumaqatigiissutinik suliaqartoqarnikuuvoq, tamatumani inimut ataatsimut ukiumut 1200 koruuneqarnissaa, tassalu qaammammut 100 koruuneqarnissaa aalajangersagaalluni. Ini taamak annertutigisoq Nuummi marloriaammik akeqarpoq.

Sanaartornermik suliani atortussanik sinneruttuniit ingerlaavartumik qaartiternerlukunik immiinikkut Sisimiuni containerinut inissivimmik pilersitsisoqassaaq. Nalimmassaasinnaaneq sumiiffimmilu qullilii-sinnaaneq ingerlatsinermit kontokkut pissaaq.

Sisimiuni aputaajaaneq konto 27.01 atorlugu ingerlanneqartarpoq, inimillu attartortitsinermit isertitat kontomut tassunga ikineqartassapput. Kangerlussuarmi containeriisvik kontomut 12-01-30-12-99-imut inissinneqassaaq, aputaajaanerlu konto 20-01-30-12-99-imik ingerlanneqartassaaq.

Ukiumut akigititaq ingerlatsinermit aningaasartuutit ingerlatsinermilu konto nikingatillugit aalajangersarneqartassaaq, taamaalilluni cnotainerinut inissiiviit kommunimut aningaasartuutaassanatik.

Allaffeqarfiup naliliinera

Kangerlussuarmi Sisimiuni containerinut inissanik pisariaqartitsineq annertusinikuuvoq. Kangerlussuarmi ilisimatusartut ujartuisuupput, illuatungaani torersuunissamut atatillugu Sisimiuni innuttaasut inuutissarsiuutillillu ujartuisuusut, ilaatigut sanaartornermik ilinniarfiup eqqaani containerinut inissiivik ukiup tulliani peerneqassaaq, atuarfiup inissisimaffik atortussaammagu. Taakku saniatigut Sisimiuni containerinut 20 fods-init anginerusunut, aalisarnermilu qassutinullu inissiivimmik ujartuisoqarpoq, uani siunnersuummi ilanngunneqartunik, aammalu uuliasiornermik suliffeqarfanniit anner-tunerusumik ujartuisoqarnissa naatsorsuutigineqarpoq.

Ataatsimut isigalugu iluamik siunertaqarani inissisarnerit containerillu katersorneqartarnerat uninngatiinnarneqarlutillu nalinginnaaleriartorpoq. Nuummi misilittakkat aallaavigalugit allaffeqarfiup nalilerpaa, containerinut inissiivimmik immikkoortitsinikkut attartortitsinermullu akiliuteqartitsinikkut, torersaasarnissamut pilerisaasoqartartasoq, atugassallu kisimik uninngatinneqartalissasut, taamaalilluni inissiinerit amerlavallaalertinnagit. Alimasinnerusoq isigalugu containerit tamarmik containerinut inissiivittut immikkoortinneqartunut nuunneqassapput, taamaalilluni tamanut assigiim-mik atugassaqartitsisoqarluni. Aputaajaanermut aningaasartuutit 100 koruunit missaaniittut akilersin-iarneqartassapput, illoqarfiillu akornanni nikingasoqalaarpoq, ataatsimullu isigalugu aaqqiineq kommunimut aningaasartuutaassanngilaq.

Taamaattumik allaffeqarfik naliliivoq, malittarisassat allanngortinneqarnerat akuersissutigineqartaria-qartoq, containerinullu inissiivinni pioreersuni soorlu sanaartornermik ilinniarfiup saqqaani inissiivimmi, torersaaneq allaffeqarfiup ingerlatiinnassagaa, taamaalillutik malittarisassiani inissiivissatut immikkoortinneqartunut nuunneqarlutik, attartornermullu isumaqatigiissummi qaammammut 100 koruunimik akiliuteqartarnissaa allanngortinneqassanngitsaq.

Allaffeqarfiup innersuussutaa

Teknikkimut avatangiisinullu immikkoortortaarfiup Teknikkimut avatangiisinullu ataatsimiititalia-mut innersuussutigissavaa, suliaq aningaasaqarnermut ataatsimiititalia-mut ingerlateqqissagaa inner-suussutigalugu malittarisassat nutaat akuersissutigineqarnissaat.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 8-ni 2012-imi ataatsimiinnermini allaffeqarfiup innersuussutaa akuersissutigivaa, qalipanneqartarnissaanik qaliaqartinneqarnissaanillu piumasaqaat atorunnaarsinneqarnissaanik piumasaqaat atorunnaarsinneqarnissaanik ilallugu.

Innersuussut

Teknikkimut avatangiisinullu ataatsimiititaliap suliaq aningaasaqarnermut ataatsimiititaliamut ingerlateqqipaa innersuussutigalugu malittarisassat nutaat, qalipanneqartarnissaanik qaliaqartinneqarnissaanillu piumasaqaat atorunnaarsinneqarnissaanik piumasaqaat atorunnaarsinneqarnissaanik ilallugu akuersissutigineqarnissaat.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani containerinut inissiivinnut malittarisassiat.
2. Sisimiuni Kangerluarsunnguami Containerinut inissiiviup 1-ip nunap assitaa
3. Sisimiuni Kangerluarsunnguami Containerinut inissiiviup 2-p nunap assitaa
4. Kangerlussuarmi Tankeqarfik H99-ip eqqaani Containerinut inissiiviup nunap assinga, imm. 1
5. Kangerlussuarmi Tankeqarfik H99-ip eqqaani Containerinut inissiiviup nunap assinga, imm. 2
6. Attartortitsinermut isumaqatigiissut



Imm. 08 B-462-ip kitaa-tungerlia ilisinissanut naasunut atortussanullu pisiniarfinngortinneqarnissaa

Journalnr. 18.01.02

Tunuliaqutaq

Malerfirmaet Finn Møller ApS-ip toqqorsivimi kitaa-tungerlia ilisinissanut naasunut atortussanullu pisiniarfinngortinneqarnissaa qinnutigaa.

Toqqorsiveqarluni qalipaataarniarfiulluni Malerfirmaet Finn Møller ApS, illu B-462 Dortheeqqap Aqq. 8-miippoq.

Ilisisoqassatillugu pisiniarfik akunnerni marlunni ammasassaaq, pisariaqarfiinilu sivisunerusumik ammatinneqarsinnaasassalluni.

Maleruagassatigut tunngavissaq

Pilersaarusionerq aamma nunaminertat atorneqartarnerat pillugu Inatsiartut inatsisaannik nr. 17, 17. november 2010-meersumik tigulaarinq, pinaarnermik:

§ 1. Inatsisartut inatsisaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atorneqarnissaat qularnaarneqassasoq. Siunertaq taanna anguneqassaaq

§ 22. Nunaminertanik atugassisarnermut aalajangersakkat § 14, imm. 2, nr. 4-mi taaneqartut kommunimut tamarmiusumut ataatsimut atuuttussanngorlugit aalajangersarneqassapput. Aalajangersakkat nunaannarmut, illoqarfinnut nunaqarfinnulluunniit ataasiakkaanut, imaluunniit sumiiffiit ilaanut ataasiakkaanut aalajangersakkanik immikkut ittunik ilaneqarsinnaapput.

§ 22. imm. 2, 1) Nunaminertanik atugassinneqarnissamut qinnuteqaatit assigiimmik suliarineqartarnissaasa qulakkeerneqarnissaa..

§ 50. Immikkut ittumik akuersineq sumiiffiup ilaanut aalajangersimasumut kommunimut pilersaarummi aalajangersakkat tunngaviinut akerliunngippat, sumiiffiup ilaanut aalajangersi-masumut aalajangersakkat sukumiisut, tak. § 14, imm. 3, saneqqunneqarnissaannut immikkut ittumik akuersisuteqarnerit kommunalbestyrelsimit nalunaarutigineqarsinnaapput.

1992-imiit 2005-imut Sisimiut Kommuneanut pilersaarut Kommunip pilersaarusionerqarnerani tapiliussaqq 27. sumiiffinnik pilersaarusionernut killiliussat, nunaminertanik aqutsinermut malittarisassat. Sumiiffimmi pilersaarut C1, illoqarfiup nutaanngitsortaa

Pissutsit atuuttut

Illup ilaata naasuerniarfinngortinneqarnissaanut immikkut akuersisuteqartoqarnissaanik Vivian Møller qinnuteqarluni, 2011-mi novembarip sisamaani allaffeqarfimmut mailimik nassitsivoq. Teknikkimut Avatangiisinullu Immikkoortortap Ilagiit Sinniisaannut tusarniut 2011-mi novembarip 29-ani nassiuppaa, Ilagiit Sinniisaasalu tusarniummut akissuteqaatini 2011-mi decembarip pingajuani tunniullugu. Pisiniarfimmik ammaasoqarnissaa tamakkiisumik tapersersorpaat.

Illu pineqartoq Illoqarfiup immikkoortortaanut pilersaarummi C1-imi immikkoortitaq 5-imiippoq.



Illoqarfiup immikkoortortaanut pilersaarummi C1 1990-imi apriliip 20-ani akuersissutigineqarpoq. Illoqarfiup immikkoortortaanut pilersaarummi C1-mi immikkoortitaq 5 najugaqarfissiaavoq. Kommuniip pilersaaruserneqarnerani pingaarnertut aalajangersakkani aalajangersagaareersuniit atuinnermut aalajangersakkanit immikkut ittumik akuersissuteqartoqarsinnaanngilaq.

Immikkoortumiiporli Butik Kik Ind & Kik Ind Møbelhuset. 1997-imi B-455-imut nunaminertamik atugassiisoqarnikuuvoq, siusinnerusukkut Illussanik titartaasarfiusimalluni Møbelhuset KIK IND-imut allangortinneqarnikuusoq. 1998-imi B-457-imut nunaminertamik atugassiisoqarpoq, siusinnerusukkut najugaqarfiusimasoq KIK IND-imut allangortinneqarnikuusoq.

Aningaasaqarnikkut allaffissornikkullu kingunerisinnaasai

Allaffimminngaaniit itigartitsisoqassaaq nutaamilluunniit pilersaarummik suliaqartoqassaaq. Pilersaarummik nutamik suliaqarnissap kingunerissavaa, tassunga atugassanik sulisussanik pisariaqartitsisoqarnissaa.

Allaffeqarfiup naliliinera

Pilersaarutit suliarineqaraangata pingaarnertut siunertaasarpoq, atorneqarnerata nassuiarneqarnissaa, Sisimiullu illoqarfia ilaatigut inuutissarsiorfinnut, najugaqarfissianut, immikkoortunut ataatsimoorusaqarfinnut katersuuffiinnullu agguataagaavoq. Tamatumunnga atuinerup immikkoortumi pineqatumi suut soqutigisaanersut aalajangiisuummata, soorlu assersuutigalugu najugaqarfissiani eqqissisimasumik, torersumik nipiliorfiunngitsumillu avatangiiseqarusuttoqartarpoq, illuatungaani katersuuffinni pisinianik kaaviaartitassanillu taavalu allani annikitsunik kissaateqartoqartarpoq. Nunaminertap iluani atuinerit akuleriisneqarpata, amerlanertigut soqutigisat akornanni akerleriilersoqartarpoq.

Inissiat, katersuuffiit inuutissarsiorfiillu immikkoortinneqarnerisigut akerleriissutaasinnaasut avissar-simatinneqarnissaat ajornannginneruvoq. Tamatuma saniatigut allaffeqarfiup nalilerpaa, illoqarfimmi katersuuffinni pisiniarfiit ataatsimoorinneqarnerisigut, pisiniarfeqarnermik illoqarfimmilu inuppalaarnermik pitsaanerusemik pilersitsisoqassasoq, katersuutsitsineq ataqatigiinnermut sunniutilimmut peqataassammat, aammalu pisiniarfeqarpalaarnermik ersarinnerusemik pilersitsissalluni, najugaqarfissiani akornutaasinnaasunik pilersitsiviunngitsumik.

Sisimiuni najugaqarfissiani pisiniarfinnik inissitanik assersuutissaqarpoq, kisianni taakku qangarsuarli nunaminertamik atugassitaapput, tassaappullu:

Narsaq, sumiiffimmi pilesaarut C1 aggorneq 5, KIK IND aamma KIK IND Møbelbutik.

Qaqqarmiut, sumiiffimmi pilesaarut A3-mi, Pinsessortut pisiniarfiutaat.

Aqqartarfik Qiterleq, sumiiffimmi pilesaarut A6-imi, Aqqartarfik 2-mi nujaleriffik.

Paamaap Kuua, sumiiffimmi pilesaarut A7-mi, Paamaap Kuuani sisoraataarniarfik.

Nalunnguarfiup Saqqaa, sumiiffimmi pilesaarut A8-mi, amminik mersortarfik PANIGIIT

Qivittoqarfik, sumiiffimmi pilesaarut A9-mi, orsussaarniarfik.

Kisianni atuinnermut aalajangersakkaniit immikkut akuersissuteqartoqarsinnaanngilaq, taamaatut akuleriisitsineq kommunalbestyrelsip ingerlaannarnissaa kissaatigiinnassappagu, taava pilersaarummut tunngavissamik nutaamik suliaqartoqartariaqassaaq.

Qinnuteqaammut pineqartumut tunngatillugu pisiniarfimmut tassunga akuersaartoqarlunilu akuersaanngitsoqarpoq:



Akuersaartut:

Oqaluffiup eqqaani amerlasuunik pisiniarfeqareerpoq, naasuerniarfeqalerpallu aliasuuteqartunut biilinnut inissiivissaq ataasiinnangussaaq. Biilinnut inissivissamik ujaasissanngillat aamma Pisiffimmut Brugsenimulluunniit naasunik ujaasisariaqanngillat. B-462-imut killeqarfik isumaliortaatsikkut naleqqussorinassanngilaq akornutaassananilu, taamaalillunilu C1, aggorneq 3-mut ilaalerluni, tassalu Qiviut aamma takornarissanut pisiniarfiup inissisimaffigisaat. Isumassarsiamut palaseqarfik utoqqaallu iluarisimaarinnittorujussuunikuupput.

Akerlisut:

Oqaluffiup majuariaani pisiniarfimmik inissiinissaq tulluurtuunngilaq. Ilisisunut ilaquataasut ajornannginnerunissaanik oqariartuuteqarneq eqqarsaatigeqqissaagaanngitsutut isigineqarpoq. Ilisinissap tungaanut ilaquataasut amerlanersaat misigissutsimikkut sunnerneqaqqasassasut ilimagineqarpoq, ilisinerullu aallartinngilaattaa kikkut tamarmik naasunik aallertassagunik, inuppassuarnik biilerpassuarnillu utaqqisoqartalissaaq, aqqusinermi taamak mikitigisumi paatsiveerunneqartassalluni, aliasuuteqartunut soqutiginaateqanngitsumik. Ilaqutaasullu aamma peqqissaartumik naasunik toqqaasarnissaa ilimagineqarpoq, toqusumut ajunngisaarnerigamikkut kingulleq, taamaattumillu ilisineq aallartitinnagu naasut toqqartarlugit aasarlugillu piffissaagallartillugu.

Ilisineranut naasunik tuniniaaneq sinneqartoorfiuppat, aamma nalliuttuni naalagiarfiusussani allani ammasarnissamik qinnuteqarnissaat eqqarsaatigineqarsinnaavoq, najugaqarfimmi angallanneruler-nermik kinguneqartussamik, tamannalu inissaaleqineq pissutigalugu biilinnut inissiivinnik pisiniarfeqarnermulluunniit attuumassutilinnut pisiariaqartinneqartunut pilersitsinissaq pisinnaanngilaq.

Qinnuteqartup oqaatigaa, katersuuffiusumi pioreersumi ininik attartorneqarsinnaasunik nassaarniarneq ajornakusoortoq. Taamaattumik allaffeqarfiup nalilerpaa, katersuuffiusumut pilersaarummik peqqissaartumik tuavisaarisooqartariaqartoq, tassungalu sulisussanik immikkoortitsioqartariaqartoq, taamaalilluni qinnuteqartoq periarfissanik amerlanerusunik pitsaanerusunillu pissarsinnaaniassamat. Taamaattorli aasamut peqqissaaviup saavani sanaartorfissanik marlunnik pilersitsioqassaaq, tamatumani pisiniarfinnut siunertalinnut ininik attartorneqarsinnaasunik peqalissalluni.

Allaffeqarfiup innersuussutaa

Teknikkimut avatangiisinullu immikkoortortaqarfiup teknikkimut avatangiisinullu ataatsimiititaliamut innersuussutigissavaa,

1. B-462-imi naasuerniarfimmik pisiniarfittaarnissaaq pillugu qinnuteqaammut itigartitsisoqassasooq, imaluunniit
2. Immikkoortoq C1-imi aggorneq 5-imi pisiniarfeqarnissaanik periarfissiisumik, oqaluffiup eqqaani nunatamut pilersaarutissamut tunngavissamik nutaamik suliaqartoqassasooq aningaasaqarnermut ataatsimiititaliamut innersuussutigineqassasooq



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 8-ni 2012-imi ataatsimiinnermini siunnersuut 2 akuersissutigivaa.

Innersuussut

Aningaasaqarnermut ataatsimiititaliamut innersuussutigineqassaaq, Immikkoortoq C1-imi aggorneq 5-imi pisiniarfeqarnissaanik periarfissiisumik, oqaluffiup eqqaani nunatamut pilersaarutissamut tunngavissamik nutaamik suliaqartoqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Nunaminertamik atugassinneqarnissamik qinnuteqaat ilanngussartalik.
2. Sisimiuni Ilagiit sinniisaannit akissuteqaat 2011-mi decembarip 3-aneersoq.



Imm. 09 Nunap immikkoortuanik 2012-imi ineriartortitsinissaq

Journalnr.

Tunuliaqutaq

Nunap immikkoortuanik ineriartortitsinissarpaaluit 2011-mi akuersissutigineqarput. 2012-imi qaammatinut siullernut pingasunut allattuiffik nutarterneqarpoq, pilersaarutillu 2012-imut Aningaasanut Inatsisitigut tapiiffigineqarnissaannut qinnuteqarsinnaanissamik Namminersorlutik Oqartussat periarfissiinikuullutik.

Maleruagassatigut tunngavissat

Nunap immikkoortuanik ineriartortitsinissaq pillugu 2011-mi nassuiaat aamma 2012-imut Aningaasanut inatsit.

Pissutsit atuuttut

Qeqqata Kommuniata pilersaarusionerme periusissap suliarineqarnera aallaavigalugu nunap immikkoortuanik ineriartortitsinissamut siunnersuummik nassitsinikuuvoq.

Pingaartumik takornarialerinerup ineriartortinneqarnissaanut aalajangiisussaallutik pilersaarutit marluk, aammali inuutissarsiutinut allanut nalinginnaasumik atugassarititaasut qulakkeerneqarnissaat, pilersaarutitut takussutissiami nutarterneqarsimasumi takuneqarsinnaapput.

Pineqartut tassaapput:

1. Umiarsuarput takornariartaatinut takornarissanut pitsaasumik sullissinissaq qulakkeernarlugu, Kangerlussuarmullu pajuttaatit marluk-pingasoriaq tikittarnerat amerlisinneqarnissaat qulakkeerumallugu Kangerlussuarmi nutaamik umiarsualiviliortoqarnissaanut misissueqqis-sarneq pilersitsinerlu.
2. Sisimiuni Alanngorsuarmukarsinnaanissaq Aqqutikitsumukarsinnaanissarlugu qulakkeerumallugu, imeqarfimmi pallitsaalisakkamut tunngatillugu aaqqiagiinnigissuteqarneq qaangerneqarniassamat iluarsissutissamut misissueqqissaarneq

Siusinnerusukkut pilersarutaasimasut atuukkunnaarlutik, allattuivimmit peerneqarsimapput, soorluttaaq pilersaarutit marlussuit iluarsartuunneqarsimasut.

Aningaasaqarnikkut allaffissornikkullu kingunerisinnaasai

2012-imi Aningaasaqarnermut Inatsimmi Namminersorlutik Oqartussat Nunap immikkoortuini ineriartortitsinermut periutsnut 12 mio. koruuninik immikkoortitsinikuupput, taakkunanga kommunini tamani pilersaarutinik aallarniisunut 0,5 mio. koruunit kommunit akunnerminni agguagassaannut 2 mio. koruunit.

Taamaalilluni takussutissami pilersaarutit ataasiakkaat tulleriaagaapput aningaasartuutissallu nalileriserisa missiliorneri allanneqarlutik, taanna namminersorlutik oqartussanit 50 procentimik Qeqqatalu Kommunit 50 procentimik aningaasalersorneqartussatut naatsorsuutigineqartoq.

Qullersaqarfiup oqaaseqaataa

Annerusumik oqaaseqaatissaqanngilaq.



Allaffeqarfiup naliliinera

Kangerlussuup kangerluani Kort- og Matrikelstyrelsen peqatigalugu aasamut kangerlunnik uuttortaanissamik kiisalu imeqarfik tikinneqaqqusaanngitsumut tunngatillugu suleqatigiisitamik aallartitsisoqarnissaanik aalajangiinissaq nukinginnarmat allaffeqarfiup nalilerpaa, suliniutaasunik nutaanik marluusunik allattorsimaffiup ilaneqarnisaa tulluartuusooq.

Allaffeqarfiup naliliinerivaa, suliniutaasutut allanneqarsimasut Qeqqata Kommuniani inuutissarsiornermut atugassarititaasunut pitsanngorsaanissamut annertuumik peqataassasut, ilaat piffissami qaninnermi ilaallu piffissami ungasinnerusumi.

Innersuussut

Allaffeqarfiup innersuussutigaa,

Pilersaarutit nutaat marluk pillugit paasissutississut aningaasaqarnermut ataatsimiititaliap tusaatissatut tigussagaa

Pilersaarusionermermi periusissaq aallaavigalugu nunap nunap immikkoortuanik nutaatut ineriartortinneqarsinnaasut aningaasaqarnermut ataatsimiititaliap eqqartussagai

Aalajangineq

Innersuussutigineqartoq akuersissutigineqarpoq.

Ilanngussat

1. Nunap immikkoortuanik ineriartortitsinissaq pillugu nassuiaat – qupp. 104-109-imi Qeqqata Kommunianut aallarniisutut pilersaarutinik ilaqartoq
2. Qeqqata Kommuniani pilersaarusionermermi periusissaq

Imm. 10 Atorfeqartitanut tunngasutigut paasissutissiineq - 10. maj 2012-imeersoq

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat.

Manitsoq:

1. Atorfinitisat - Soqanngilaq

2. Soraartut

Suliffik	Ateq	Atorfik	Ulloq suliunnaarfik
T&M Vejformand	Jonas Larsen	Formand	30. april 2012
Alderdomshjem Neriusaaq	Nukakkuluk Villadsen	Socialhjælper	30. april 2012

3. Sulinngiffeqartut – Soqanngilaq

4. Suliffeqarfimmi nuuttut - Soqanngilaq

Sisimiut:

1. Atorfinitisat

Suliffik	Ateq	Atorfik	Ulloq atorfiniffik
Integreret daginstitution Mikisoq	Arnajaraq Olsen	Socialhjælper	01. april 2012
Sisimiut Museum	Anne Bahnson	Museumsleder	1. april 2012
Utoqqaat angerlarsimaffiat	Pauline Johansen	Rengøringshjælper	1. april 2012
Utoqqaat angerlarsimaffiat	Ivalo Siegstad	Ernæringsassistent	1. april 2012
Utoqqaat angerlarsimaffiat	Manumina Jerimiaasen	Ernæringsassistent	1. april 2012
Angerlarsimaffimmi ikiortit	Elvira Lundblad	Hjemmehjælper	1. maj 2012

2. Soraartut

Suliffik	Ateq	Atorfik	Ulloq suliunnaarfik
Piareersarfik	Ulla Broberg	Centerleder	30. juni 2012
Minngortuunnguup Atuarfia	Mette A.D Larsen	Lærer	31. juli 2012
Teknik & Miljø	Henrik Skjoldhøj Nielsen	Forbrændingsleder	30. april 2012
Teknik & Miljø	Charles Rasmussen	Bygningskonstruktør	31. maj 2012
Minngortuunnguup Atuarfia	Vera Solvig	Lærer	13. april 2012
Piareersarfik	Edvard Mørch	Arbejdsmarkedskonsulent	31. maj 2012
Meeraateqarfik Kanaartaq	Louise Olsen	Socialhjælper	15. maj 2012

3. Sulinngiffeqartut – Soqanngilaq

4. Suliffeqarfimmi nuuttut - Soqanngilaq

Innersuussut

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

Aalajangiineq

Paasissutissatut tiguneqarput.

Ilanngussaq

Ilanngussaqaqanngilaq



Imm. 11 Sarfannguup Atuarfiani oquiaanermi missingersuutini nuussinissamut qinnuteqaat pillugu paasissutissiissut

Journalnr. 51.00 / SA

Tunuliaqutaq

Sarfannguup atuarfiata oqoqalersimanerata kingorna iluarsartorneqarnissaanut suliariumannittussarsiuussineq februaarip 27-anut killilerlugu ingerlanneqarpoq. Missingersuusioneqarneraniit suliariumannittussarsiuunnerani inernerata annertuneruvoq, taamaattumik aningaasartuutissat sinneri pissarsiariniarlugit missingersuutini nuussinissamik pisariaqartitsineqarpoq.

Maleruagassatigut tunngaviit

Qeqqata Kommunias kasse- og regnskabsregulativ.

Pissutsit atuuttut

Sarfannguup Atuarfia oqoqalersimavoq, tamanna 2011-mi aasaanerani paasineqarpoq. Paasineqarnerata kingorna misissuinerit, iluarsartorneqarnissaanut piareersaanerit iluarsartorneqarnissaanullu suliariumannittussarsiuussinerit ingerlanneqarput.

Atuarfimmi ilinniartitsisut atuartullu arlaqartut inuummarluttarnernik misigisaqartarnerisa kingorna oqoqalersimaneq paasineqarpoq. Ajoqutit piaartumik peerneqarnissaat siunertaralugu iluarsartuussinissaq immikkoortunut marlunngorlugu avinneqarpoq, siullermik oqummik eqqugaasut assersorneqarlutik, utaqqiisaasumillu perusersartarfimmik pilersitsineqarluni.

Suliaq siulleq 2011-mi decembarimi naammassineqarpoq, taassumalu kingorna atuarfimmi sulisut namminneq immikkut eqqiaatit atorlugit atuarfik asallugu. Oquullu inuummarlunnartuinut ajornartorsiutaasunut annertuumik ilinniartitsisunut atuartunullu asaasimaneq iluaqutaasimavoq.

Oqussimanerup iluarsartorneqarnissaanut immikkoortup aappaanut atatillugu suliariumannittussarsiuussineq februaarip 27-anut killilerlugu ingerlanneqarpoq. Siullermik missiliummut sanilliullugu suliariumannittussarsiuussinermit akit saqqummiunneqartut annertunerupput. Taassumalu kinguneraa suliap aallartinneqarnissaanut aningaasaliissutini amigaateqarneq. Suliariumannittussarsiuussinermit aki appasinnerpaami teknikrum-i illup allissutaasut sananeqassasoq, kissarsuullu uuliatortorlu taarserneqarluni. Naak kissarsuut taarserneqartussaagaluartoq, neqeroorut neqeroorutaasunut marlunnut allanut sanilliullugu akikinneruvoq, teknikrum-ip nutaamik sananeqarnerasigut iluarsartuussinerit sinneri ataatsikkut ingerlanneqarsinnaallutik.

Aningaasaqarnikkut allaffissornikkullu kingunerisinnaasai

Sarfannguup atuarfiani oqoqalersimanermi iluarsartuussinissamut A-missiliummit pingaarnertut kisitsisit. (ilangussaq takuuk.)

Immikkoortoq 1: Oqoqalersimasut matoorneqarneri, torsuusaq akulleq utaqqiisaagallartumillu perusersartarfik nutaaq	168.959kr
Immikkoortoq 2: Oqoqalersimanermi iluarsartuussineq, perusersartarfiup teknikrum-illu sanaqqinneqarneri	733.500kr
Oqoqalersimanermi iluarsartuussinerit katineri	<u>902.459kr</u>
Oqoqalersimanermi iluarsartuussinerimut missingersuut	653.000kr
Aningaasaliissutissatut amigaatit	-249.459kr



**Aningaasaqarnermut ataatsimiititaliap maajip 15-ani 2012-imi ileqquusumik ataatsimiinnerata
04/2012-ip imaqarniliornera**

Konto 75-50-10-50-61 Atuarfimmik iluarsartuussineq, suliat tamakkerlugit suliarinnitsitsineq 2012-imi januaarimi Sarfannguup Atuarfiata oqoqalersimaneranut iluarsartuussinissamut aningaasaliissutissatut 200.000 koruunit missingersuutinit nuussineqarpoq.

A-missiliutip maannakkut takutippaa, iluarsartuussinissamut suli 249.459 koruuninik amigartooq. Aningaasaliissutissat kontonit tullinnguuttunit nuunneqassapput.

Konto	Taaguutaa	Aningaasaliissutit	Atuineq	Nuussineq
51-11-10-01-11	Tiimimusiallit	288	28	-100.000
51-11-10-12-32	Atuartut angalasarnerat	146	1	-100.000
51-11-10-16-02	Nerisitsineq	166	18	-49.459
			I alt	-249.459
Konto	Taaguutaa	Aningaasaliissutit	Missiliut	Nuussineq
75-50-10-50-61	Atuarfimmik iluarsartuussineq, suliat tamakkerlugit suliarinnitsitsineq	653.000kr	902.459kr	+249.459kr
Katinneri	Aningaasartuutaanngitsumik nuussineq			0

Qullesaqarfiup oqaaseqaatai
'Oqaaseqaateqanngilaq'

Allaffeqarfiup naliliinera

Ilinniartitsisut atuartullu oqoqalersimanermut annertuumik inuummarluutigineqarsimavoq. Oqoqalersimasup assersorneqarneratigut atuarfiullu asanneqarsimanerata kingorna iluaqutaasimavoq, atuarfilli maannakkut utaqqiisaasumik imermik kuuginnartoqanngitsumik ataasiinnarmik perusersartarfeqarpoq. Atuarfiup pitsaasumik perusersartarfeqaleqqinnissaa anguniarlugu piaartumik iluarsartuussinerit ingerlanneqarnissaat pingaaruteqarpoq.

Missiliummut siullermut sanilliullugu suliariumannittussarsiuussinermi akigitinneqartoq qaffasinnerugualartoq, neqeroorut ajunngittorujussuuvoq. Nunaqarfinni suliniutinut missiliutiliornissaa ajornaku-soortuannarpoq. Neqeruurut iluaqutaa tassaavoq, kissarsuuteqarfik uuliatortoq nutaanngileqisup taarsigassanngulereersup taarserneqarnissaa.

Nuussineq aningaasartuutaasussaangimmat, innersuussutip akuerineqarnissaa innersuussutigineqarpoq.

Allaffeqarfiup innersuussutaa

Ilinniartitaanermut immikkoortortap Aningaasaqarnermut ataatsimiititaliaq sinnerlugu borgmesterimu akuersissutigineqarnissaa innersuussutigaa, Missingersuutinit nuussissoqarnissamut qinnuteqaat akuersissutigineqassooq

Ilinniartitaanermut Kulturimut Sunngiffimmullu ataatsimiititaliami siulittaasup suliarinninnera

Ilinniartitaanermut Kulturimut Sunngiffimmullu ataatsimiititaliaq sinnerlugu siulittaasup apriliip 30-ani 2012-imi innersuussut akuersissutigaa.

Ilinniartitaanermut, Kulturimut Sunngiffimmullu ataatsimiititaliaq ataatsiminnermi tulliuuttumi aalajangiissutaasumik paasissutiiffineqassaaq.



Borgmesterip suliamik suliaqarnera

Aningaasaqarnermut ataatsimiititaliaq sinnerlugu borgmesteri aprilip 30-ani 2012-imi aalajangiivoq, qulaani tabelimi allaqqasutut missingersuutini nuutsinissaq akuersissutigineqassasoq,

Aalajangiineq pillugu aningaasaqarnermut ataatsimiititaliaq tullissaanik ataatsimiileruni ilisimatinnegassaaq,

Innersuussut

Aningaasaqarnermut ataatsimiititaliamut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussaq

1. A-missiliut, Oqoqalersimanerup kingorna iluarsartuussineq, Sarfannguup Atuarfia

Imm. 12 Tamalaat

Borgmesteri innuttaasunik ataatsimiititsinermut tunngasunik aammalu Qeqqata Kommuniani suliniutinik assigiinngitsunik paasissutissiivoq.